

北斗七星护摩秘要仪轨 1 卷

No. 1306

北斗七星护摩秘要仪轨

大兴善寺翻经院灌顶阿闍梨述

我今为末世薄福众生故。说是北极七星供养护摩次第仪则。于静室中作一水坛。或方或圆各足一肘。以茅香甘松熏陆龙脑白檀五味和合泥涂之。其坛场内安着圆炉。饮食果子分别置之。烧食谓饭食果饼酥蜜等。但五谷并乳木。随人命星相捡用之。

先启词曰 至心奉启北极七明娜罗贪狼巨门禄存文曲廉贞武曲破军尊星。为陀主某甲。灾厄解脱寿命延长得见百秋。今作曼荼罗。唯愿垂哀降临此处。纳受护摩。拥护施主某甲。灾难解脱寿命增长所愿从心(三遍)。

次结其印。虚心合掌。以二大指。捻二无名指甲。二中指二小指如莲叶。二头指小开屈来去。

次诵一字顶轮王真言。并召北斗七星真言。

顶轮真言曰。

𑖀(na)	𑖂(mo)	𑖄(sa)	𑖆(ma)	𑖈(nta)
𑖊(da)	𑖌(ra)	𑖎(da)	𑖐(ra)	𑖒(pa)
𑖔(ca)				
曩	慕	三	曼	多
		那	罗	那
		罗	跋	左
𑖌(ra)	𑖎(hūm)			
啰	吽			

召北斗真言曰。

𑖀(na) 𑖄(mah) 𑖆(sa) 𑖈(ma) 𑖊(nta)  
𑖌(da) 𑖎(ra) 𑖐(na) 𑖒(e) 𑖔(hye) 𑖖  
(hi) 𑖘(pa)  
曩 莫 三 曼 多 那 罗 曩 翳 酰 咽 颇  
𑖚(i) 𑖜(ha) 𑖞(i) 𑖠(da) 𑖢(i) 𑖤(ka)  
𑖦(i) 𑖨(ra) 𑖪(i) 𑖬(mro)  
伊 贺 伊 那 伊 迦 伊 啰 伊 谟啰(二合)  
𑖮(ta) 𑖰(ra) 𑖲(gha) 𑖴(ra) 𑖶(ham)  
𑖸(svā) 𑖺(hā)  
哆 啰 伽 啰 哈 娑 嚩 诃

以手取木及谷并酥蜜油等。掷之于炉内火烧之。自专视其本命之星。若动摇变色。光照通烁光貌黄白者。即应愿如来依前法七日夜而为之。必应如事不即其星藏没不见(决云不求也)谓北斗七星者日月五星之精也。囊括七曜照临八方上曜于天神下直于人间。以司善恶而分祸福。群星所朝宗万灵所俯仰。若有人能礼拜供养长寿福贵。不信敬者运命不久。是以禄命书云。世有司命神每至庚申日。上向天帝陈说众人之罪恶。重罪者则彻算。轻罪者则去纪。算书纪告即主命已者。是故如来为末世薄福短命夭死众生故。说是一字顶轮王召北斗七星供养护摩之仪则。为供养者。令其属命星数削死籍还付生籍。若诸国王于自宫中作曼荼罗。如法护摩礼拜供养。北斗欢喜为拥护故。久居胜位恒受安稳。后妃夫人后宫彩女。王子群臣三公百官。上下和穆不行非法。人民炽盛稼穡丰饶国土安宁。无有灾难不现怪异。疫病死亡不起。境内怨敌群贼自然退散。故以是法甚为秘要。

## 北斗七星秘要仪轨

【经文信息】大正藏第 21 册 No. 1306 北斗七星护摩秘要仪轨

【版本记录】CBETA 电子佛典 Rev. 1.9 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】 萧镇国大德提供，北美某大德提供

【其他事项】 本数据库可自由免费流通，详细内容请参阅【[中华电子佛典协会数据库版权宣告](#)】

---